



## **POLISI ANTIRASUAH JABATAN HUTAN SARAWAK**

Jabatan Hutan Sarawak (JHS) beriltizam untuk mengurus dan membangunkan sumber hutan secara telus untuk kemampanan sosio-ekonomi dan alam sekitar. Ke arah itu, JHS komited untuk mempertingkatkan kualiti penyampaian perkhidmatan melalui pengukuhan tadbir urus baik dan pelaksanaan sistem pengurusan antirasuah bagi menyediakan persekitaran kerja berintegriti.

Polisi Antirasuah JHS menerangkan dasar mengenai peraturan serta larangan terhadap sebarang aktiviti berbentuk rasuah, penyelewengan dan salah guna kuasa selaras dengan peruntukan di bawah Akta Suruhanjaya Pencegahan Rasuah Malaysia 2009 dan lain-lain akta serta peraturan yang berkaitan dan sedang berkuatkuasa.

JHS komited untuk:

- a. Memantapkan nilai-nilai ketelusan dan tadbir urus baik dalam organisasi;
- b. Menubuhkan Unit Integriti selaras dengan *Pekeliling Integriti Negeri Sarawak Bilangan 2 Tahun 2019 (Garis Panduan Pengurusan Unit Integriti Agensi Awam Negeri Sarawak)*;
- c. Mematuhi undang-undang dan peraturan-peraturan berkaitan, Polisi Antirasuah JHS, Polisi Pengurusan Hadiah JHS, Polisi Pemberi Maklumat JHS dan Kod Etika;
- d. Mematuhi semua syarat peraturan dan keperluan Standard MS ISO 37001:2016 *Anti-bribery Management System (ABMS)*;
- e. Memantapkan pelaksanaan ABMS JHS dan penambahbaikan secara berterusan;
- f. Menyediakan saluran dan menggalakkan pelaporan mengenai aktiviti berunsur rasuah, penyelewengan dan salah guna kuasa serta memastikan maklumat dipelihara dengan sewajarnya; dan
- g. Menggunapakai "Dasar Toleransi Sifar" dan mengambil tindakan disiplin yang tegas terhadap warga kerja yang tidak mematuhi Polisi Antirasuah selaras dengan prosedur, arahan, garis panduan jabatan dan jika perlu, tindakan undang-undang akan diambil sepertimana Bahagian IV Akta Suruhanjaya Pencegahan Rasuah Malaysia 2009 (Akta 694).

Warga kerja jabatan dan pihak-pihak berkepentingan dengan JHS perlu memahami dan mematuhi polisi ini.

[ **DATU HAJI ABDULLAH BIN JULAIHI** ]  
SETIAUSAHA TETAP  
KEMENTERIAN SUMBER ASLI DAN PEMBANGUNAN BANDAR

TARIKH: 08.10.2024

Pindaan :01